

Date – 02/07/2025

Time - 7:30 -7:40Hrs

AKASHVANI AIZAWL
REGIONAL NEWS BULLETIN

HEADLINES (MORNING)

1. Mizorama pawl pali ten Mizoram kawngpui pawimawh Kolasib atanga Sairang inkar chu siamthat thuai anih loh chuan mipuite hnatlanga an chhuah mai a ngaih tur thu an sawi.
2. Sorkarin Part Time Asst. Professor mi 29 a chhawr chhunzawm zelna tur Notification Order MSU Gen Hq hrutaituten nimin khan an hal.
3. Mamit all NGO chuan Mamit district hospital complex atanga Dialysis khaw lak a nih loh nan an veng.
4. Himachal Pradesh-ah ruah nasa tak sur avangin ruahsur kaihnawih thil thlengah mi 5 an thi.

<><><>

NH 06

Mizorama pawl pali ten Mizoram kawngpui pawimawh Kolasib atanga Sairang inkar chu siamthat thuai anih loh chuan mipuite hnatlanga an chhuah mai a ngaih tur thu an sawi.

Pawl pali te hi Mizoram Transformation Movement (MTM), Centre For Environment And Social Justice (CESJ), Mizoram First (MF) leh Citizen Alliance For Truth And Justice (CATAJ) te an ni a, nimin khan Aizawl Press Club ah chanchinbu mite kawmin Kolasib atanga Sairang inkar kawng chu zawh hleihtheihloh khawpa chhia anih avang leh motor tlu leh tang an awm thin thu sawiin state chhung chak lakna kawngpui pawimawh tak anih avangin sawrkar chu a rang lama hma la turin an phut tih an sawi a ni.

Mizoram Transformation Movement President Dr Lalbiakmawia Ngente chuan National Highway 06 package 8 Kawnpui atanga Khamrang inkar kawng chu vawiin thlengin enkawl ala nih loh thu a sawi a, kumin June ni 30-a PWD Minister Pu Vanlalhlana'n helai kawng enkawl hna chu Mizoram PWD mawphurhna a ni lo anga a sawi chu thudik lo a ni tih sawiin mipuite rilru hrui kawi nan a he thu hi sawi ah pawl pali te chuan an ngaih thu leh helai hmun hi Mizoram PWD enkawl lai ngei a ni a ti a ni.



JAN SURAKSHA SCHEME

Sorkar laipui 'Jan Suraksha Scheme' thla thum chhung atana 'Saturation Campaign' kalpui tur chu nimin khan Lawngtlai ah District Bawrhsap Pu Cheemala Siva Gopal Reddy-an a hawng.

Pu Cheemala Siva Gopal Reddy chuan Lawngtlai district chhunga 'Jan Suraksha Schemes' tha taka kalpui turin bank- te an pawimawh hle tih tarlangin, theihtawp chhuah turin a chah a. Mizoram pum huap ang pawhin Financial Literacy Rate- a sang lo hle ni a ahriat thu tarlangin, mitinin Jan Suraksha Schemes (Social Security Scheme) thatna an hriatthiamna turin Financial Literacy Campaign (FLC) lamah pawh chak zawka hmalak zel a tul thu a sawi. Bawrhsap chuan Jan Suraksha Campaign- chu thla thum chhung ngawrh taka kalpui tura tih a nih angin, hemi hun chhung hian DLCC member, a bik takin Lawngtlai district chhunga Bank awmte theihtawp chhuah tur leh mipuite tana thahnem ngai taka campaign kalpui turin a sawm nghal bawk.

Jan Suraksha Schemes - puala Saturated Campaign hi Lawngtlai District -a Gram Panchayat - 185 ah Jan Suraksha Campaign neih tura ruahmanna siam a ni a, Bank ten Campaign an neih tur hmun leh nei hun tur siamfel mek a ni.

Jan Suraksah Schemes - hi Social Security Schemes niin May ni 9 2015 atang khan sawrkarlaipuia Ministry of Finance hnuaiah kalpui tan a ni a. He Scheme hnuaiah hian Micro - Insurance Schemes pahnih, Pradhan Mantri Jeevan Jyoti Bima Yojana (PMJJBY) leh Pradhan Mantri Suraksha Bima Yojana (PMSBY) a awm a ni. PMJJBY- hi Life Insurance Scheme a ni a, Annual premium - cheng 436 niin, eng vang pawh thihna a thlenin cheng nuai hnih laktheih a ni. PMSBY- hi Accidental Insurance Scheme niin, Annual premium - cheng 20 a ni a, accident vanga thihna emaw ramtuileilo a thlenin cheng nuai hnih claim theih niin, 'Partial disability' ah chuan cheng nuai khat thleng claim theih a ni.

(DIPR)



MSU

Sorkarin Part Time Asst. Professor mi 29 a chhawr chhunzawm zelna tur Notification Order a tihchhuah te chuan an qualify tawklo tia sawiin MSU Gen Hq hruaitute chuan Higher & Technical Education Directorate Office kawtah an duhlohna lantir nan order an hal.

Part Time Asst. Professor sawrkarin a rawih mekte hi Nikum August ni 9 khan kumin February ni 28 thleng chhawr chhunzawmna lehkha lo tichhuak tawhin chutah chuan hemi tum bak hi pawhsei sak an ni lo ang tih chiang takin a ziak a, amaherawhchu an zawm ta lo tih MSU President B. Lalkhawngaihzuala chuan a sawi.

MSU President chuan Zirna tha siam tumin Zirtirtu Qualify lo te sawrkar in an ruai reng chu hriatthiam har an tih thu a sawi a. Zirtirtt Qualify lo ten zirna an pek theihna tur atana sawrkar in “Humanitarian Ground” tia a chhawr hi “Humanitarian Ground chhuanlama langsar taka Dan bawhchhiatna a ni” a ti.

Hemi chungchang hi, Press Conference hmang mai bakah Vawi tamtak Education Minister hnenah an thlen tawh tih MSU President chuan a sawi a, Chief Minister hnenah an thlen tawh bawk a ti a ni. MSU hian Director hmu leh nghalin tun thla ni 6 ral hmaa MSU ngenna hi ngaih pawimawh anih loh chuan zirlai ten zirtirna tha an dawn theihnan Qualify ngei zirtirtu an duh thu Aizawl khawpuiah kawngzawh in tlangaupaina neih an tum tih an sawi a. Kawngzawh hian awmzia a neihloh pawhin a tawp thlenga hmala zel turin ruahmana an siam a ni, an ti.

<><><>

MAMIT ALL NGO

Mamit all NGO, Joint VC, all Party leh MJA te chuan Mamit district hospital complex atanga Dialysis khawl lak a nih loh nan nimin atang khan Mamit District hospital-a Dialysis khawl dahna building an veng.

All NGO Coordination Coommittee hrulaituten kan corr an hrilh danin Dialysis khawl pahnih Champhai hospital-a lakchhuah tumna a duhloh chungchang thuchhuah an siam hnu lawkah NHM chuan thuchhuah siam ve nghalin Champhai a Dialysis khawl lakchhoh tumna hi kaltlang pui an tum tih a lan avangin duty an in siam tih an sawi a, he khawl dahna kawtah CCTV an dah thu sawiin heti chung lakchhuah luih a nih chuan engpawh thleng se Mamit mipui leh All NGO Coordinatiion chuan mawh a phur dawn lo a ni tih an sawi bawk. Mamit sub hq YMA President Pu Vanlalchhuanga Chhange thusawi lo ngaithla ang.

Mamit District Hospital Dialysis khawl sawn chungchangah hian National Health Mission, Mission Director chuan nimin khan thuchhuah siamin a sawifiah a, CSR kaltlanga Mamit tana khawl pali an dawnte hi a petuten din nghal an duh a, amaherawhchu Mamit-ah building peihfel a la ni lova, hmundang peihfel sa, Serchhip leh Champhai District ah te dah mai ni se, Mamit tan hian a dang dil leh zawk ni se an ti a ni.

(RD Darthanzauva Mamit PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



HIMACHAL RAIN

Himachal Pradesh-ah darkar 24 kalta chhung khan ruah nasa takin a sur a. Nimin khan state chhungah ruahsur kaihnawih a thil thlengah mi 5 an thi.

Tunhnaia Ruah sur nasa avang hian mi 51-in nunna an chan tawha mi 103-in hliam an tuar bawk a, tun thlengin mi 21 chin hriat lohin an la awm.

Meteorological Department chuan tun thla ni 7 thleng ruahsur nasa tak a la sur tur thu a sawi. Mandi district chuan a tuar nasa ber a, tuilian nasa tak vangin mi panga an thi a, mi 15 chin hriat loh an awm a ni. Hetihlai hian Chief Minister Sukhvinder Singh chuan state chhung hmun hrang hranga nunna leh bungrua an chan chu paw i a tih thu a sawi. District administration kaihnawih te chu harsatna tawkte tanpui turin a hriattir a ni. Chief Minister chuan, a hmaa chhut danin, chhiatna thleng hian tun thlengin cheng vaibelchhe 500 chuang hloh a nih thu a sawi. State Emergency Operations Centre-in report a tichhuahah state chhunga kawngpui 406, power transformer 1,515, leh tui supply scheme 171-te a nghawng tawh a, siamthat hna an thawk mek a ni. Meteorological Department chuan darkar 24 chhungin district paruk – Mandi, Kullu, Hamirpur, Shimla, Sirmaur, leh Solan-ah tuilian a thlen theih thu yellow alert a tichhuak a ni.

News On Air

